



22. oktober 2012

Inatsisartut Suleriaasianni § 37 naapertorlugu Naalakkersuisunut apeqquq imaattoq matumuuna saqqummiuppara:

**Naalakkersuisunut apeqquq**

- 1. Suna pissutaava nunap matumap atorfininnermut uppersaateqartarnermut inatsiseqangimmat ?**
- 2. Naalakkersuisut taamaattumik inatsiseqalernissaa sulissutiginiarpaat imaluunniit danskit naalakkersuisui qinnuvigineqalersaarpaa Atorfininnermut uppersaateqartarneq pillugu inatsit Kalaallit Nunaanni atortussanngortinneqassasoq ? ( Sulisitsisut sulisartut atorfininnerannut atatillugu atugassanik nalunaaruteqartussaataa nerat inatsit pillugu nalunaarut).**
- 3. Inatsisartuusimasut taamatullu maannakkut Naalakkersuisut qanoq iliuseqarpat Inatsisartuusimasut aalajangiiffigisassatut siunnersuummut akuersinerat tunngavigalugu, taamani akuerineqarmat inatsisissatut siunnersuummik saqqummiisoqassasoq sulisartut atorfininnermut uppersaammik piimasaqarsinnaanerata inatsisitigut tunngavissaqartilerniarlugu. (UPA2008/18) ?**

(Inatsisartunut ilaasortaqaq Andreas Uldum, Demokraatit)

**Tunngavilersuut:**

Demokraatini isumaqarpugut sulisartut kattuffimmi ilaasortaagunik ilaasortaangikkaluarunilluunniit atorfininnerminni pitsaasunik atugassaqaartinneqartariaqartut. Uagutsinnut pingaaruteqarpoq sulisitsisut sulisartunut ataqinnissuseqarnissaat.

Taamaattumik isumaqarpugut piffissanngortoq nunami maani suliarlut atorfininnerminnut atatillugu uppersaammik tunineqartalernissaannut, sulisitsut sulisartullu qularutigissanngimmassuk, sulilersoq sunik isumalluarfigineqarnersoq.



Inuit kalaallisut danskisulluunniit oqalusinnaanngitsut Thailandimeersut Filippiinerineersullu amerlilluinnarnikuupput. Taakku inuit taamaattumik nalornissutigisinnaasarpaat sunik pisinnaatitaaffeqarnerlutik taamaatumillu aamma sulisitsisuminnit atornerlunneqarsinnaanerit qanittuaraavoq. Taakkununga pitsaassaqaq atorfininnermut uppersaammik pialertuuppata, innersuussutigisinnaasaminnik feriarnissartik atorfissaqartilissagaluarunikkut imaluunniit qangiuttuussagunik imaluunniit allarluinnarmik tikkuaassagunik.

Demokraatini takorloorparput, atorfininnermut uppersaamma makku allanneqarsinnaasut:

- Suisitsisup sulisartullu aqqi sumilu najugaqarneri.
- Suliffiup sumiinnera imaluunniit suisartoq, aalajangersimasumi sumiiffimmi sulisarsimangippat, sumiiffinni assigiinngitsuni sorlarni sulisarneri pillugit paasissutissat. Aamma allanneqarsinnaapput qullersarfiup sumiinnera imaluunniit sulisitsisup sumiiffia.
- Suliap allaaserinera imaluunniit sulisartup atorfiata allanneqarsinnaavoq, qanoq atorfeqarnera, atorfia imaluunniit atorfiup suunera.
- Atorfinititaanerup aallartiffia
- Atorfeqarnerup sivisussusissaa pineqartinnagit ataavartumik atorfinititaanissat.
- Sulisartup pisinnaatitaaffii feriarnermi akiliunneqarnissaq eqqarsaatigalugu tassunga ilaatillugu feeriarnerp nalaani akissarsiaqartoqartassanersoq
- Sulisartup sulisitsisullu soraarnermi soraarsitsinermiluunniit siumoortumik nalunaaruteqarfissaasa nalunaarsorneri imaluunniit malittarisassat tassunga tunngasut
- Akissarsiat imaluunniit akissarsiassatut isumaqatigiissutaasut sulinerup aallartinnerani sulisartup akissarsiassanut tunngasut aamma tapit allallu akissarsianut tunngasut akissarsianut toqqaannartumik ilaanngitsut. Soorlu pensionisiaqarlernissamut akilersukkat imaluunniit nerisanut ineqarnermulluunniit akiliutit
- Akissarsiat tunniunneqartarfissaat
- Ullormut sapaatip akunneranulluunniit sulinerup naliginnaasumik sivisussusissaa
- Kattuffiit isumaqatigiissutaat imaluunniit isumaqatigiissutit allat atorfeqarnermi naleqqusaanermut tunngavigineqartartussat. Isumaqatigiissutit imaluunniit illuatungeriit



suliffiup avataani isumaqatigiissusiaat aamma ilanngunneqartassapput, ersersillugu illuatungeriit kikkuunersut.

Tamatumunnga atatillugu malugiarniarparput UPA 2008 ingerlanneqarmat taamani inatsisartuusuni amerlanerusuteqartut aalajangiiffigisassatut siunnersuut tunngavigalugu akuerimmassuk taamani Naalakkersuisuusut inatsisissamut siunnersuummik saqqummiussissasut, sulisartut atorfininnermut uppersaammik piunarsaqarsinnaanerat inatsisitigut tunngavissaqartilerniarlugu (UPA2008/18). Qanoq pisoqarsimanermat siunnersuut saqqummiunneqanngisaannarnikuuvoq, taamaattumik manna iluatsillugu aamma apeqqtigerusupparput taanna suliaq sumut killissimanersoq.

Apeqqtinut ullut suliffiit naliginnaasut qulit iluanni akissutigineqartussanut qilanaarpunga.